

Enformaziuns y Comunicaziuns

Preparaziun al Bato: Geniturs co aspeta en viadú o co á na creatóra da bacé, toc y totes, é enviés ala preparaziun al Bato, en sabeda ai 9 de novèmbor dales 15:00 ales 17:00, te calogna da San Ciascian. Al é da s'anunzié al 334 3200396.

Oferta: Al vèn recordé che la oferta da Gnissant i jará desco vigne ann ala Uniun de San Vinzenz, co dij belo damperfora en bel iolan por la bona man.

Cor dles Ères: Le Cor dles Ères vènn ince eniann ciandères por Gnissant, cösta sabeda ai 26 d'otober do la mëssa prefestiva y la domègna ai 27 do la gran mëssa.

Prejentaziun: Al vèn recordé che cösta domègna ai 27 d'otober él ia La Pli la festa de recordanza dal miscionare signor Franz Agreiter d'Alnèi, cole Vèsko mons. Giuseppe Anfossi co dijará la gran mëssa y prejentaziun dal liber "60 agn tal Mato Grosso".

Dotur: Le dotur Edo Agreiter lascia alessèi che al é demez dai 4 ai 6 de novèmbor döt le de, y ai 7 de novèmbor danmisdé. Empede él él la doturia Mahlkecht, 349 0667034.

Apoteca: Al vèn lascé alessèi che l'apoteca d'Al Plan sará slüta ai 2 de novèmbor. Dai 28 d'otober ai 30 de novèmbor sarára ma daverta danmisdé.

Comun/1: En jöbia ai 31 d'otober, dales 13:00 ennant, en colaboraziun con i verdabosc y la Ploania d'La Pli, pón jí a se do barantli dlungia la staziun dal lift "Miara". En cofano de barantli costa 15,00€, en gratun (carrello) de barantli costa 35,00€. I scioldi vá a bèn dla Ploania d'La Pli, por dörteré l'orgo de dlijia.

Comun/2: Le Comun lascia alessèi che en Gnissant restará le zènter de reciclaje slüt. I chibli dles laadöres gnará endére jütés regularmonter.

Aodanzes



La comunité d'Al Plan se ralegrèia con i geniturs co á en picio viadú da bacé y ti aoda döt le bun, sanité y benedisciun.

Christian Zingerle y Silvia Costamoling

Victor Obojes y Carmen Gasser

Marco Mutschlechner y Vanessa Kanetscheider

Fabian Agreiter y Sandra Ploner

por picia **ANNA**

por picia **LUISA**

por picia **SOFIA**

por picio **SIMON**

Impressum: Ploania d'Al Plan, str. Catarina Lanz nr. 46, 39030 Al Plan de Mareo

Comunicaziuns - cina al dedemesaledema sèra - da mené a: Pablo Palfrader

Tel. **333 4762010** Mail: ploaniaalplan@gmail.com

Download plata: www.unitepastorala.org



Plata dla Ploania Al Plan de Mareo San Vighile

Ploan: Signor Klaus Sottsas
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA
www.unitepastorala.org

Ann C 27.10.2019 - 30. Dom. - Edema de Gnissant y Dé dai Morc nr. 48

Idio, mènete picé de me...

Dal Vagnele do San Luca 18, 9-14

Te chël tomp ⁹ti á Gejú cunté a en valgügn co minà da ester iüsc y co desprijâ i atrî, cösc ejompl: ¹⁰Dui èi ea jüs sô tal tèmpl a perié; önn ea en fariseo, l'ater en publican. ¹¹Le fariseo é jü dant y á dit da plan cösta oraziun: Idio, i te rengrazi che iu ne sun nia desco l'atra jont, i lotri, i sbordenatures, i adultérs o ince desco chël publican enló. ¹²I jini dui iadi al'edema y ti dá al tèmpl le diejo de döt mio davagn. ¹³Le publican deperpo stea jödapé y ne s'anfidâ gnanca da alzé sù edli a cí, al se batea söle piet y periâ: Idio, mènete picé de me piciadú! ¹⁴I ves diji: Cösc é jü iustifiché a ciasa, l'ater no. Deache chël co s'inalza enstès, vèn arbassé, mo chël co s'arbassa enstès, gnará inalzé. **Parora dal Signur. - Lalt a te, Gejú Crist!**



Le Vagnele de Gnissant é forza y consolaziun: "Ralegrésse y iubilede: osc paiamont tal cí sará gran"

Beac i püri dan da Idio; so é le rën dal cí.
Beac chi co plüra; ai gnará consolés.
Beac chi co é saorisc; ai ierpará la tera.
Beac chi co á fan y sèi do iustizia;
ai gnará pasciontés.
Beac i misericordiusc; ai ciafará misericordia.
Beac chi co á en cör nèt; ai odará Idio.
Beac chi co fej pésc; an ti dijará fis de Dio.
Beac chi co vèn porseghités por gauja dla iustizia; so é le rën dal cí.
Beac sèise os, sc'i gnèis deonorés y porseghités y scraies fora por mia gauja.
Ralegrésse y iubilede:
osc paiamont tal cí sará gran.



DOM 27.	30. domëgna ia por l'ann	<i>Wolfhard, Antonia</i>
08:30	<i>s.m. a La Pli</i>	
9:30	Corona	
10:00	Gran Messa por dōta la ploania	<i>oferta por i debojūgns dla ploania</i>
	S.M. por +nt August Ties	
	S.M. por +nt Franz Obojes, Majun	
	S.M. por +nta Anna Tavella – Trebo	
	S.M. por les Püres Animes	
Lön 28.	 festa dai sanc Sciomun y lüda Tadeus apostui, Alfred le Gran	
17:00	Ocajiun da se pissié	
18:00	S.M. por +nta Maria Feichter	
	S.M. por +nc' Hubert y Anni Mutschlechner	
	S.M. por +nt Ernesto Trebo, Hot. Al Plan	
	S.M. por +nc' Jep y Adolf Ties, Valiares	
Ded 29.	<i>Feruzio, Narzisius, Ermelinda</i>	
19:30	Corona dō intenziun	
Dem 30.	<i>Bernhard, Alfons</i>	
	Vijita personala te dljia y cortina	
Jöb 31.	<i>Wolfgang, Iuta, Notburga - de d'oraziun do vocaziuns</i>	
	Vijita personala te dljia y cortina	
Ven 01.	GRAN FESTA DE GNISSANT , <i>Harald, Rupert</i>	
9:00	Proa dal cor de dljia	
10:00	Gran Messa ciantada por dōta la Ploania	
14:00	Requiem por dūc' i +nc' con vijita te cortina	
Sab 02.	DE DLES ANIMES , <i>Angela, Tobia</i>	
9:30	Corona	
10:00	S.M. Requiem por dūc' i defunc' con vijita te cortina	
DOM 03.	31. domëgna ia por l'ann	<i>Hubert,</i>
	Domëgna dles Animes - De dai Tomés	<i>Martin da Porres, Silvia</i>
08:30	<i>s.m. a La Pli</i>	
9:30	Corona	
10:00	Gran Messa por dōta la ploania	<i>oferta por i debojūgns dla ploania</i>
	con vijita ala cortina y monumont dai Tomés	
	S.M. aniv.por +nt Paul Trebo dal Sauter	
	S.M. por i +nc' de Guido y Margaret Clara	
	S.M. por por +nta Ferdigg Luisa	
	S.M. por la Pesc	
	S.M. por les Püres Animes	
14:00	Bato por: Zingerle Manuel, Obojes Luisa, Mutschlechner Sofia y Agreiter Simon	

Ponsier dla Domëgna

Avëi debojūgn de Chël Bel Dio é la maiú perfeziun dla porsona.

(Sören Kierkegaard)

La superbia é la plö gran forma de egoism, ciodiche ara mët le ego ciamó sora se enstës y ne conësc degūgn confins. Le egoist ponsa a se enstës - le superbe ponsa a se enstës y se vëiga ciamó bun lapró. Le egoist sá de Chël Bel Dio, ince sce al nes dá jö pūch con Èl. Le arrogant se mët enstës al post de Dio. Porchël é la Bibia tan contra l'aroganza. Ince sce al é valch tan de uman. Le Vedl Testamont la nominëia desco picé por ejompl tal liber dai proverbs: "Al é damí desmostré umilté con i umili co partí la preda con i superbi." Le maester dla Dlijia Augustin odea tla presunziun les raisc dai picés. Y al é avisa la superbia co porta le devot y iüst fariseo ala roina.

Gnissant

Le dolur dal comié ne te dá nia pesc.

Proa da refosé les poscibilités desvalies de evajiun, co te scinca ensciö ma destraziun por en cört momont, por lascé dedô gní sò le dolur danö y te na manira ciamó plö sterscia.

Tign fora la desperaziun azeta le dolur.

Ma ensciö pó tōa anima ferida lascé crësce do

tal chit y por en tomp lunch

forzes co te lascia varí y madorí. (*Spilling-Nöker Christa*)

Salm responsorial (Salm 24)

Beac chi co á le cör nët, ai odará Chël Bel Dio.

Dal Signur é la tera y döt ci che la emplësc, döt le monn con sü abitanc.

Sön les fondamontes dal mer l'ál fata, sora les eghes l'ál stabilida.

Beac chi co á le cör nët, ai odará Chël Bel Dio.

Che pó pa jí sön la munt dal Signur, che pó pa sté te so post sant?

Chi co á mans nêtes y en cör sonzier, chi co ne engiana nia

y ne dá nia joramont falz.

Beac chi co á le cör nët, ai odará Chël Bel Dio.

Chël ciafará la benedisciun dal Signur, iustizia da Idio, sōa salvëza.

Cōsta é la generaziun co le chir,

co chir tōa presënza, Dio de Iacob.

Beac chi co á le cör nët, ai odará Chël Bel Dio.

Foto: Lothar Nahler



Sorvisc dai Ministronc

Lönesc 28/10 (18:00h): Lisa Alberti, Valentina Erlacher;

Vëndres 01/11 (10:00h) Gnissant: Marco, Sofia y Lisa Alberti, Valentina Erlacher, Elisa y Emanuel Frenademetz, Sofia Castlungger, Isabel Ties;

Vëndres 01/11 (14:00h) Gnissant: Matteo Huber, Paul Trebo, Mattia Leggio, Caspar y Pia Videsott, Nathan Migliorati;

Sabeda 02/11 (10:00h) Dé dles Animes: Claudia y Susan Kaneider, Philip y Thomas Palfrader, Elias Obojes, Jan Ties;

Domëgna 03/11 (10:00h) Domëgna dai Tomes: Marco Alberti, Elisa y Emanuel Frenademetz, Fabian y Matthias Kaneider;

N. B.: Dūc' i ministronc é entres begnodūs da gní a sorví, ince sce ai n'é nia scric sò!

